

Пар гыронэз матысь нунал'ёсы быдэстоно

Тулыс ю кизёнэз быдэстыса районыстымы ваньмыз колхоз'ёс картофельно-овощной хозяйство борды кутскизы.

Тулыс кизёнэз быдэстэмен валче важнейшой сельско-хозяйственной уж'ёс пöлысь одйгены но главноен—пар гырон луэ. Озимойёслэсь выль урожай басытонэз зависег каре пар гыронэз азинлыко но выль качеством быдэстэмлэсь. Агротехника ласянь парез вазь гыронлэн пайдаез туж бадзым соин, что почваын возьке мускытэз, быре жаг турынез но умой луэ почвалэн струк ураез.

МТС-лэн ваньмыз тракторной бригадоосыз кутскизы ни пар гырыны. 3-тй июнез гырон быдэстэмын ни 55,3 процентлы. Кудогез тракторной бригадоос та уезз быдэс'яло азинлыко. Тани Чабывровской сельсоветысь 13-тй бригада гыронэз 85 процентлы быдэстэз. Бозинской сельсоветысь 7-тй бригада 106 процент, Костромской сельсоветысь 4-тй бригада 69,3 процент, нош вань гаче тракторной бригадоос, куд'ёсыз та нунал'ёсы гинэ кутскизы та уж котыре. Лековаевской сельсоветысь 8 но 9-тй бригадоос гыронэз 19—24 процентлы гинэ быдэстэзы. Люмской сельсоветысь 14-тй бригада—23 процентлы но Баяранской

сельсоветысь 10-тй бригада—27 процентлы. Соиз но вань, что та дырозь районысь одйг колхоз но пар гыронэ вал кужымзэ оз лэзынг. Райзо но МТС та уезз лэзизы ас эрказ. Райзо даже сое но уг тод—мынэ-а уг-а районын пар гырон. Кылвератэк гаче „руководство“ вутгыз пар гыронлэн чидантэм каньыл мынэмаз. Вань сыче опасность, что паровой бусыосын почваысь мускытэз төлзоз но потоз уно жаг турын, а жаг турыно интыосын кылдозы жегул сиись ну-мыр'ёс.

Пар гырыку колхоз'ёслы нимыстыз ик соблюдать карыны кулэ сое, чтобы толалтэ потгэм кыед умой-умой вöлдэмын мед луоз, собере озы ик вань конной, скотской но колхозник'ёслэн гид'ёсыстызы кыед пар вылэ гыремлэсь азыло потэмын мед луоз. Со интыосты, кытын пар гыремын вал сизыыл, если почваез пуксемын ке өвөл, культивировать кароно, нош кыктэ-тй вспашкае гыронэ.

Сомнение өвөл, что колхоз'ёс пар гыронэз но му р'ёсэз азыпалан хозяйственно уж'ёсты азинлыко уз ортыгез шуыса, колхозник'ёслэсь тулыс кизён дыр'я жутскем производственной под'емзэс өвөл лябомытоно.

Призывлы умой дасяськоно

Красной Армилен но Военно-Морской Флотлэн рад'ёсысы арысь-аре рабочийёслэн, крестьян'ёслэн но советской интеллигенцилен передовой стахановец'ёсыныз, ударник'ёсыныз пополнятысь карисько.

Туэ сизыыл Красной Армилен но Военно-Морской Флотлэн рад'ёсаз 1918—1919 ар'ёсы вöрдскем египтиос призвать каремын луозы. Соин ик призыв кутскытоз кылем дырез призывник'ёслы озы использовать кароно, чтобы ваньмыз ик призыве лыктэм пиос, динамимылэсь границаоссэ но рабочийёслэсь, крестьян'ёслэсь но советской интеллигенцилэсь мирной трудзэс возманы мед яралозы. Со понна ик военной уезз нуналы быдэ изучать карыны кулэ. Допризывник'ёслы вунэтыны кулэ өвөл сое, что асьме социалистической родинамы капиталистической окружениын находиться кариське.

Вань допризывник'ёслы производственный стахановской амалэн ужаса, мукет'ёсызлы пример возматонэ.

Мон 1937 аре призыватэсь кариськи. Допризывной подготовкаез ортыку но ас укам добросовестно относиться кариськыса призывез пумитай.

Озы тйни мынам укаме токма оз луы, али со Красной Армиын служить карыкум но шöдске. Соин ик мон Пудемской районысь 1918-1919 ар'ёсы вöрдскем вань призывник'ёслы вазиськисько, чтобы одйгез кылытэк призыве организовано, выль производственной показательёсын лыкгыны. Ваньмызлы тодыны кулэ но вунэтоно өвөл, что СССР-ысь гражд'ёслы Рабоче-Крестьянской Красной Армиын служить карэн почетной обязаностен луэ.

Красноармеец Всеволод Щепин

Физкультурной уж вунэтэмын

Районной центрын физкультурной уезз пуктон пумысь физкультуралэн райсоветэз но комсомоллэн райкомез та дырозь нокуче уждрад оз кутэ на. А ведь Пудемян егит калык туж трос. И соос, шутэтскон дырзэс культурно ортычытыны инты шедьтэмын, улыча кузя калго, юныны кутско, татысен пото укылтэм поступок'ёс но. Нош егит'ёслэн вань бадзым

стремленизы физкультуралы. Быдэс Пудемян одйг гинэ валебольной площадка. Чем дыре татын луо одйг мурт'ёс гинэ.

Физкультурной уезз райкомоллы но физкультуралэн райсоветэзлы князы кутонэ но сое умой пуктоно.

Бывальцев.

Партийной улон Коммунист'ёслы кивалтись инты басытоно

Производстволэн котыкул отрасль эсаз коммунист'ёслы кивалтись инты басытыны кулэ. Кытын коммунист'ёс умой ужало, отын уж но умой луктэмын. Тани „Звезда“ колхозлэн председателез Димитриев эш колхозник'ёс пöлын валэктон уезз умой пуктыса, 1938 аре одйга вылысь 12 центнер етйн урожай басытыны быгатиз.

Нош кудог первичной парторганизациос коммунист'ёс пöлын воспитательной уж чик уг нуо. Кылярысь, торговля-заготовительной парторганизацилен парторгез Шилев эш коммунист'ёс пöлын уж нуон гинэ өвөл, ачиз но партийной дисциплинаез куашкатэ. Чем дыр'я партийной собраниосы опоздать каре, куддыр собраниосы уг но лыктылы. Солэн причерез'я Кирпиклэн но Васильев коммунист'ёс 3-4 партийной собраниосы ветлытэк кылыло. Та организациысь коммунист'ёс общественной ужын ичи участвэват карэ. Профсоюзной но первичной комсомольской организациосын уж ас эрказ лэземын. Тазы луэмен производствосын трудовой дисциплина куашкамын. Соин сэрэн сельполэн пекарняез уль производительностен но трос брак'ёсын ужа. Сельполэн аппаратаз ужас'ёс пöлын чиновничество но бюрократизм луэмен, Пудемясь магазин'ёсын очередьёс кылдыто, озы потребительёс пöлын недовольсь вэ кылдэ.

Гаче ик положение МТС-лэн первичной парторганизациаз но. Первичной партийной организацилен тулыс ю кизён кампанияз

ортычытыны дасяськонын чидантэм ляб кивалтэменыз тросэз трактор'ёс но прицеппной машинаос ужаны оз яралэ.

Та организациысь коммунист'ёслы производствосын кивалтысь инты басытыны кулэ вал, нош кудогез гастролитова карыса гинэ ветло. Тани парторг Васильев тулыс ю кизён дыр'я колхозник'ёс пöлын но тракторной бригадоосын воспитательной ук нуон интые одйг сводкаос гинэ люкаса ветлылэ. Трудовой дисциплина куашкатэмын. Коммунист комбайнер Потехин стахановской амалын ужаса пример возматон интые, чем дыр'я прогул лэсытылэ.

Гаче луэмен чиданы уг луы. Партийной организациос обязанной луо коммунист'ёслы ужасы юрттыны, юргтыны сослы производствосын азымынсен луыны.

В. Толстиков.

ВКП(б) райкомлэн заседаниыстыз

13-тй мае ВКП(б)-лэн райкомез обсудить кариз райисполкомысь первичной партийной организацилэсь решенизэ И. И. Ушаковлэн непартийной поступокез сярэсь, кудыз выразитэсь кариськиз первомайской торжество дыр'я пьянкаен. Партилэн райкомезлэн заседаниез 30-тй апрельысен 3-тй маезь пьянка допустить карем понназ Иван Иванович Ушаковлы ялыз выговор.

Культурной обслуживание умой пуктэмын

Милемдыс, „Буденный“ колхозысь колхозник'ёсты колхозлэн правлениез ысгыз тэль пуктыны. Переломской лесопунктын ужас'ёсты пумитайзы туж умой. Сётызы умой квартираос, койкаос. Лесотехник Ушаков но лесничий Тюрин бадзым внимание вис'яло культурной обслуживанилы. Ужаннымы ваизы патефон, скрипка, гитара. Шутэтскон дыр'ямы лыдзо газет'ёс, валэкто партилэсь но правительстволэсь решениоссэ. Ужас'ёс ужасы мылысь-кыдысь, нормаэзс быдэс'язы мултэсэн. Тэль пуктонмес быдэстэмы 5 нуналскын.

А. С. Артемьев.

Колхозной картовка сисьтэмын

Баяранской сельсоветысь „Планета“ колхозын кудог колхозник'ёс колхозтэсь ваньбурзэ тус-тас керыло. Тани колхозлэн кладовщикез Щепин А. В. туэ аре 30 центнер котыр колхозной картовкаез сисьтэз. Аслэстыз преступленизэ колхозник'ёс азын ватон понна Щепин сисьмем картовкаез вуэ киськаз.

Вологодской областысь, Борисово—Судской Райзолэн зоотехникез —А. А. Барсуков эш—Осоавиахимлэн 12-тй потеряеныз „М—1“ автомобиль утйз.



Суред вылын: А. А. Барсуков эш.

Колхоз правленилы та Щепин кадь колхозник'ёслы чик жегатскытэк кулэ уждрад кутонэ.

Колхозник'ёс.

СССР-лэн Совнаркомас но ВКП(б)-лэн ЦК-аз

Пермской областной земельной отделлэсь колхоз'ёсын трудэз организоват карон'я неправильной указаниоссэ, ВКП(б) лэн Пермской обкоменыз но Пермской областя РСФСР-лэн Верховной Советэзлэн Оргкомитетэзлэн Президиуменыз одобрит каремзэс отменить карон сярись

СССР-лэн СНК-ез но ВКП(б)-лэн ЦК-ез установит каризы, что ВКП(б)-лэн Пермской областной комитетэныз но Пермской областя РСФСР-лэн Верховной Советэзлэн Президиумезлэн Оргкомитетэныз одобрит карем Пермскэй областной земельной отделлэн „колхоз'ёсын трудлэсь организацизэ упорядочит карон'я мероприятиосыз“ (куд'ёз опубликована каремын Пермской областной „Звезда газетын“ 22 апреле 1939 аре) содержать каро трос тырмытэ интыос, куд'ёсыз противоречит каро сельскохозяйственной артельлэн уставезлы но правительстволэн постановлениосызлы. Озы, например, та „мероприятиосын“ Пермской областись колхоз'ёслы сётиське указание нимаз котькуд культура узко специализированной звеноос кылдытон сярись но устанавливаться карисько звеноослы премиосы начислениос планлэсь вылтй гектарысь котькуд центнер картовка бастэм понна 5 трудодень, тонналы 5-6 трудодень интые, куд'ёсыз предусмотреть каремын СССР-лэн СНК-езлэн 1938 аре 19 марэ 349 №-ро постановлениеныз и планлэсь вылтй бастэм котькуд центнер етйн продукциос понна: етйн кидыс'я—25 трудодень, етйн трестя 10—15 трудодень но етйн-мертчан'я 30—40 трудодень СССР-лэн СНК-езлэн 1938 аре 3-тй апреле

куд'ёз 434 №-ро постановлениезлэн соответствие'я колхозэн бастэм премиос надбавкаослэсь жынызэ государственлы етйн продукциосы сётон планэз мултэсэн тырмытэм звеноослэн член'ёсыз куспын люкылон интые.

ВКП(б)-лэн Пермской областной комитетэзлэсь но Пермской областя РСФСР-лэн Верховной Советэзлэн Президиумезлэсь колхоз'ёслы незаконноось, недопустимой умойтэмесь, куд'ёсыз сельскохозяйственной артельлэсь уставэз нарушат каронэ но колхоз'ёсын доход'ёсыз люкылон уж'ёсыз тарганэ нуись указаниос сётылон вылэ вниманизэс обращать карыса, СССР-лэн СНК-ез но ВКП(б)-лэн ЦК-ез постановит каризы:

„Пермской земельной отделлэсь колхоз'ёсын трудлэсь организацизэ упорядочит карон'я мероприятиоссэ“ ВКП(б)-лэн Пермской обкоменыз но Пермской областя РСФСР-лэн Верховной Советэзлэн Оргкомитетэзлэн Президиуменыз одобрит каремзэс шонер өвл, сельскохозяйственной артельлэн уставезлы противоречашой но колхоз'ёсысь звеноосыз премировать карон порядок сярись правительстволэсь постановлениоссэ нарушат каре шуыса, отменить кароно.

Советской художник'ёс американской художник'ёсын пумиськизы

Нью-Йорк, 31 мае. (ТАСС) 29 мае Нью-Йоркись всемирной выставкаын США-е лыктэм советской художник'ёс пумиськизы виднейшой американской художник'ёсын. Советской художник'ёс пöлысь присутствовать каризы Ефанов, Андреев, Рябинович, Рождественский,

Занский, Кремер но мукет'ёсыз. Американской художник'ёс пöлын вал Вебер, Гроппер, Лозвин но мукет'ёсыз. Американской художник'ёс рос-прос тэдматскизы советской павильонэн но экспонат'ёслы вылы оценка сётисы.

Япониянын выль заем

Токио, 30 мае. (ТАСС). Япониянын финансий министрствоез 400 миллион иенлы выль заем поттон сярись решение опубликовать кары. Заем поттэмын луоз 13 июне, солэн коньдонэз мыноз Китайын военной расход'ёслы.

Германской рабочийёс пöлын волнениос

Лондон, 30 мае (ТАСС). „Дейли геральд“ газетлэн специальной корреспондентэз ивортэ, что Германиянын западной границаосысьтыз укреплениясты лэстыон (озы нимаськись Зигфрид линия) бордын ужасьёс пöлын серьезной волнениос жугскылэзы. Рабочийёсты подавить карыны понна отчы охранной отряд'ёс ыстэмын. Охранной отряд'ёслы юрттыны понна ыстэмын на оло кöня сюрс штурмовик'ёс. Ивортэ, что трос рабочийёс арестовать каремын. Однако тырмыт данойёсты тодыны уг луы, малы ке шуод, отын ужасьёс асьсэлэн родственник'ёссылы гожтэт'ёс гожтыны уг быгато.

Англо-польской переговор'ёс

Лондон, 28 мае (ТАСС). „Сандэй Таймс“ газетлэн Варшаваысь корреспондентэз ивортэ, что англо-польской переговор'ёс орточо удовлетворительно. Переговор'ёс мынозы на, ватса корреспондент, Лондонын, соин сэрэн матысь дыр куспын Лондонэ лыктоз польской военной министр яке маршал Рыдз Смирглы.

Фашистской варвар'ёслэн уж'ёсы

Париж, 26 мае. (ТАСС). Мадридись ивортэмзыя, фашистской студенческой организация Мадридской университетлэн садаз „вредной идея“ нуллись книгаосты сугыз. Соин чöш ик ивортэ, что Сан-Себастьянын усьтэмын „Германской книга-лы выставка“.

Социалистической земледелиись умоесь достижениеосыз Всесоюзной Сельскохозяйственной выставке!



Суред вылын: Всесоюзной Сельскохозяйственной Выставкаез усьтон азелы „Искусство“ издательствоен поттэм Н. Скурихин художниклэн ужам плакатэ.

Кельдышевалы тупатскыны кулэ

Баяранской сельсоветысь „Планета“ колхозысь трахоматозной сестра Кельдышева Анфиса ас ужаз мылэз потытэк ужа. Ужан интыаз арнялы одйг-кык пол гинэ ветлэ, озы но колхозник'ёс талэсь кулэ юрттэт бастыны уг быгато соин, что Кельдышева ужаз ветлэ нуназе шорын гинэ. Нош куд арняе чик уг вуыл. Луд вылэ колхозник'ёслы юрттэт сётыны уг пота.

Колхозник'ёс вите Кельдышева-лэсь ас ужаз мылысь - кыдысь ужамзэ, чтобы мозмытскыны вуж наследии висенлэсь—трахомалэсь.

Жвакин.

Врид. редактор—В. Толстиков.

Поттись — Райисполком

А. С. Пушкин (1799-1837 ар)

6-тй июне 140 ар тырме Пушкинлэн вурдскем дырысеныз. Величайшой русской поэт Александр Сергеевич Пушкин вурдскиз 1799 арын, кулэз — 1837 аре. Солэн улэмез но деятельностиз былэсак относиться кариське дворянской революционер'ёслэн деятельностизы ознаменоват карем периодлы.

Пинал дыр'яз ик Пушкин возматэ аслэсьтыз бадзым литературной талантсэ. Литературной талантэз солэн будыз но развиваться кариськиз усердной но непрерывной лыдземен. Царскосельской лицейысь потыкуз Пушкинлэн произведениосыз вал ни высокохудожественноось.

Аслаз произведениосаз А. С. Пушкин обличать каре самодержавиез, крепостной правоез, шонерак призыват каре восстанилы, самодержавиез насильственно куштонлы. „Деревня“ стихотворенияз возматэ крепостной праволэсь ужас'ёссэ. Стихотворениосаз но эпиграммаосаз бичеват кариз самодержавиез, солэсь чиновник'ёссэ но крепостной правоез, призыват кариз свобода понна нюр'ясконэ.

Кулытчояз Пушкин ноу но өз



вунэтыл калык сярись, аслаз творчествоезлэн главной судьяез сярись. Со проявит кариз бадзым интерес калыклэн улэмезлы но творчествоезлы. Гож'яз калык кырзан'ёсты но выжыкыл'ёсты. Куке Пушкинлы царь сётыз поручение Петр Великойлэн царствованиезлэсь историзэ гожтыны, солэн малпанэз естественно усиз 1830—31-тй ар'ёсы местной разрозненной восстаниос но Пугачевлэн восстаниез вылэ. Со

гожтэз Пугачевлэсь историзэ но „Капитан ныл“. „Дубровский“ повестяз возматэ дворян'ёсты—одиночкаосты, куд'ёсыз выжо восстат карем крестьян'ёс пала. Озыен Пушкин вал дворянской поэт, кудыз палэнскылэз ас классэзлэсь, кудыз улэз соин лэчыт конфликтын.

Самодержавиез но крепостной правоез обличать карысь произведениосыз понна царь Пушкинэз преследоват карылэз, ыстылэз ссылкаосы. Самодержавие карылэз озы, чтобы Пушкинлэн произведениосыз медаз вуэ трудяшой калык пöлы. Только Советской власть дыр я гинэ, Пушкинлэн произведениосыз шедьтэзы паськыт инты трудяшой калык пöлын. Ужасьёс, крестьян'ёс, интеллигенция, пионер'ёс, школьник'ёс пöлын Пушкинлэн произведениосыз пöсь яр: онэн пользоваться карисько.

Пушкин луэ выль зуч литературлэн но лиературной зуч кыллэн родоначальникеныз. Со окончательно сформироват кариз зуч литературной кылэз но русской литература вылэ аслаз мощной влияние-ныз берыктэз сое реализмлэн руслояз.

Ижевской дошкольной педучи- лице 1-ти классаз 1939—1940 дышетскон ар'ёслы дышетскисьеслы прием ялэ

Училищеын кык отдел'ны вань:
а) дошкольняз—дошкольной уж'ёс'я специалист'ёсты (РОНОослы инструктор'ёс, д тсадлы заведующей: но воспитатель'ёс) дася;
б) библиотечнооз—городской но районной библиотекаослы библиотекар'ёсты дася.

Училищеае дышетскисьёс 16 арсысь семилетней образованиен кутисько. Куриськон'ёсыз директорлэн нимаз та че документ'ёсын 20-тй июньысен 15-тй августозь ыстылоно: школаын дышетсконэз быдэтэм сярись удостоверение, медицинской справка но кык фотокарточка.

Стипендия успеваемости. Приемной испытаниез дышетскыны пырисьёс ваньмыз мк зуч кылын, математикаен письменно но устно, конституциен орчено луо.

Училищеын жытазе ужась отделениез но вань. Татсы дышетскисьёс ужысь отрыватся кариськытэк кутисько. Приемлэн условиосыз сычесь ик.

Дышетскисьёсыз школае зачислит карон 25-тй августысен кутске.

Документ'ёсыз та че адрес'я ыстылоно: Ижевск, Свердловлян ул'ячез. 28, телефон 5—59.

Директор ШАЛОВНИКОВА.